

**А Ж Р И М**

(Даъво аризани кўрмасдан қолдириш тўғрисида)

**Каттақўрғон туман****2023 йил 29 ноябрь**

Каттақўрғон туманлараро иқтисодий суди, судья М.Тоғаевнинг раислигида, судья ёрдамчиси Ж.Сагдуллаевни суд мажлиси котиблигида, Ўзбекистон Савдо-саноат палатаси Самарқанд вилояти ҳудудий бошқармасининг даъвогар “Kattakurgon cluster” масъулияти чекланган жамияти манфаатида, жавобгар “Kattakurgon g’alla cluster” масъулияти чекланган жамиятидан 3 279 756 593,45 сўм асосий қарз, 614 046 895 сўм пеняни ундириш тўғрисидаги даъво аризаси ва унга илова қилинган ҳужжатларни, ўз биносида, очиқ суд мажлисида кўриб чиқиб, қуйидагиларни

**А н и қ л а д и :**

Ўзбекистон Савдо-саноат палатаси Самарқанд вилояти ҳудудий бошқармаси даъвогар “Kattakurgon cluster” масъулияти чекланган жамияти манфаатида Каттақўрғон туманлараро иқтисодий судга даъво ариза билан мурожаат қилиб, жавобгар “Kattakurgon g’alla cluster” масъулияти чекланган жамиятидан 3 279 756 593,45 сўм асосий қарз, 614 046 895 сўм пеняни ундиришни ҳамда ишни палата вакиллари иштирокисиз кўриб чиқишни сўраган.

Ишни кўриш вақти ва жойи тўғрисида тегишли тартибда хабардор қилинган даъвогар ва жавобгар суд мажлисига келмади ва вакил(лар)и иштирокини таъминламади. Бундай ҳолатда суд, Ўзбекистон Республикасининг Иқтисодий процессуал кодекси 170-моддасига асосан, ишни унда мавжуд материаллар асосида палата, даъвогар ва жавобгар вакил(лар)и иштирокисиз кўришни лозим топади.

Даъвогар вакили томонидан Каттақўрғон туманлараро иқтисодий суди девонхонасига тарафлар ўртасида тузилган медиатив келишувни тақдим этган.

Суд, иш ҳужжатларини ўрганиб, тарафлар ўртасида медиатив келишув имзолангани боис, даъво аризани кўрмасдан қолдиришни лозим деб топди.

Ўзбекистон Республикаси ИПКнинг 107-моддаси биринчи қисмининг 53-бандида, тарафлар ўртасида медиатив келишув тузилган бўлса, судья даъво аризасини кўрмасдан қолдиради деб белгиланган.

Суд, даъвогар вакили томонидан судга тақдим тарафлар ўртасида расмийлаштирилган медиатив келишувга кўра, ушбу медиатив келишувни амалга ошириш учун тарафларнинг ўзаро розилиги асосида медиатор фаолиятини амалга оширишга розилик берган шахс Х.Абдуллаев тайинлаган.

Ўзбекистон Республикаси “Медиация тўғрисида”ги Қонуннинг 15-моддасига асосан, медиация суддан ташқари тартибда, низони суд тартибида кўриш жараёнида, суд ҳужжатини қабул қилиш учун суд алоҳида хонага (маслаҳатхонага) киргунига қадар, шунингдек суд ҳужжатлари ва бошқа органлар ҳужжатларини ижро этиш жараёнида қўлланилиши мумкин.

Шу билан бирга суд, суд харажатларини ундириш масаласини муҳокама қилиб, “Давлат божи тўғрисида”ги Ўзбекистон Республикасининг Қонуни



18-моддаси биринчи қисмининг 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши кераклиги назарда тутилганлиги, бироқ ушбу Қонуннинг 9-моддаси биринчи қисмининг 2-банди талаби доирасида даъво аризаси судга даъвогар манфаатида Савдо-саноат палатаси томонидан киритилганлиги учун давлат божи тўловисиз иш юритишга қабул қилинганлигини инобатга олиб, давлат божини ундирувсиз қолдиришни, олдиндан тўланган 33 000 сўм почта харажатини даъвогар зиммасида қолдиришни лозим деб топди.

Юқоридагиларга асосан ва Ўзбекистон Республикаси Иқтисодий процессуал кодексининг 107-моддасига ва 195-моддасига асосан суд,-

### **А ж р и м қ и л д и:**

Ўзбекистон Савдо-саноат палатаси Самарқанд вилояти ҳудудий бошқармасининг даъвогар “Kattakurgon cluster” масъулияти чекланган жамияти манфаатида, жавобгар “Kattakurgon g’alla cluster” масъулияти чекланган жамиятидан 3 279 756 593,45 сўм асосий қарз, 614 046 895 сўм пеняни ундириш тўғрисидаги даъво аризаси кўрмасдан қолдирилсин.

Олдиндан тўлаб чиқилган 33 000 сўм почта харажати даъвогар “Kattakurgon cluster” масъулияти чекланган жамияти зиммасида қолдирилсин.

Ажримдан норози бўлган тарафлар Каттақўрғон туманлараро иқтисодий суди орқали Самарқанд вилоят судига бир ойлик муддат ичида апелляция тартибида шикоят қилиниши (протест келтириш) мумкин.

**Судья**

**М.Тоғаев**

